

PREDICTIONS

pour vingt ans, continuant d'An en An, iusques en l'ã mil cinq cës quatre vingtz trois, Par lesquelles sont predites choses merueilleuses, & de grãde cõsideration, selon le Seigneur & dominateur de l'Année. Extraictes de diuers aucteurs, trouuée en la Biblioteque de nostre defunct dernier decedé, (que Dieu absoule) Maistre Michel de nostre Dame.

A la supplicatiõ de plusieurs, ont esté à tres-grand' diligence reueues & mises en lumiere,
Par Mi. de Nostradamus le Jeune.



A R O V E N,

Chez Pierre Hubault, tenant sa Bouticque
en la rue Escuyere, à l'enseigne du Croissant.

Predictions pour vingt ans ... Reveues et mises en lumière par M. de Nostradamus le jeune.

Publisher year P. Hubault: Rouen, 1569.

Physical descr. 8°.


Added name NOSTREDAME, Michel de, the Younger.

Holdings British library

Shelfmark C.133.b.22.(1.)

BENAZRA Pag 92 / CHOMARAT 109





A TRES-HAVLT, TRESEXCEL-
lent, Tresvertueux, & Magnanime Prince,
Monseigneur François Duc d'Alençon,
Frere du Roy Tres-chrestien, nostre Souue-
rain, Tres-cher, & Naturel Seigneur.

Son tres-humble subiect, Salut.

MONSEIGNEVR, Les Astrologiens,
& Philosophes Assiriens, lesquelz sont
affermes d'estre les plus Anciens de tous au-
tres. Nous ont laissé pour memoire en leurs
escritures, q la Maïesté diuine, apres auoir créé

de riens toutes choses, à sçauoir, premieremēt ceste machine celeste, & les quatre Elemēs : incontinent constitua au milieu du Ciel les cinq planettes, & les deux luminaires au premier degré d'Aries, & alors cessoyēt les tenebres, & la lumiere fut faiçte. Apres crea le souuerain createur l'hōme, auquel il inspiroit l'Ame de vie de raison capable, afin qu'il pourroit considerer & cōgnoistre distinctemēt les œuures de Dieu le createur, & entre autres ceste nōpareille machine celeste, ornée & enrichie de tāt excellentes gēmes & riches lumieres, à laquelle regardant avec les yeux non seullemēt corporelz, mais de Philosophie & Astronomie, en partie pourroit p̄uoir les choses futures (par la volonté & ordonnance diuine) à toute mortelle creature, pour apres pouuoir avec prudēce, (à l'hōme de Dieu donnée) euitier les sinistres influences dont les Astres nous menacēt : car ceste prudēce est la meillleure partie des fatales destinées, De ceste sciēce & prudēce, & yeux Magiques, Cabalistiques ou Astronomiques, ont esté nō seullemēt douez plusieurs Patriarches & prophetes des Iuifz, mais aussi plusieurs Roys, & philosophes, (voire fēmes entre les Gētilz. Ce qu'est plus que notoire par les Sybilles qui ont predict l'aduenemēt de Iesus Christ, & par les troys Roys magiques & philosophes, qui

vindrét en Iudée à Bethleé adorer le Roy des Roys, & luy offrir des precieux dons & riches, cōduitz iusq̃s la part l'Estoille à eux apparue és parties Oriétales, laquelle Estoille estoit au monde donnée en signe, que la vraye Estoille Soleil & lumiere du mode auoit pris naissance: Non que ie vueille par ce inferer, que cesdic̃z Roys & philosophes auroiét preueu & cōgneu par le cours des corps celestes & astres ceste supernaturelle vnion & naissance de Dieu & hōme: mais bien qu'eulx estans Astrologues tres-excellens, & ayans cōgnoissance des Astres & corps celestes, voyās celle tāt claire & excellēte Estoille, incontīnēt ont cōgneu & apperceu qu'elle estoit supernaturelle, & signe de chose fort rare & excellēte, & nō sans grande raison apparēte au Ciel. Par-quoy eulx ayans (ce qui est grandemēt a croire) veuz les propheties de Iesus Christ, tant aux Iuifz que Gentilz propheties par les p̃phetes & oracles Sybillines, ont de leurs yeux Cabalistiques & Altronomiques, par inspiratiō diuine, cōgneu la Natiuité du souuerain Roy nostre Seigneur & Sauueur Iesus Christ: & incōtinēt cōmēcé leur voyage, foubz la cōduicte de son Estoille, pour le trouuer & adorer, tellemēt que ceste science & cōgnoissance des Astres leur fut cause qu'ilz furent des premiers qui ont adoré nostre Salua-

tion, & Redemption, eſtât couché à la craiche.
Que les Sybilles preſtreſſes auſſi ont predit, &
preueu beaucoup des choſes futures, par la cõ-
gnoiſſance des ppheties, ou par inſpiratiõ di-
uine & celeſte, appert par les reliques de leurs
eſcritures: car la ſeptieſme Sybille dictẽ Tibur-
tine châte en ceſte maniere de l' Aduenemẽt de
Ieſus Chriſt, Chriſt naiſtra en Bethléem, & ſe-
ra annõcé en Nazareth, au temps q̃ le Toreau
Pacifique fondateur de repos regnera. O bien
heureuſe ſera celle mere, dont les mammelles
allaiçeront celuy enfant. La neufieſme Sybille
appelée Cumane prediſoit du temps de Tar-
quinius Priſcus, ſelõ qu'on trouue en Virgille,
Pareillement l' Aduenement de Ieſus Chriſt, di-
ſant. De rechef viendra vn nombre des ſiecles
& vne nouuelle Generatiõ deſcendra du hault
ciel, car vne Vierge enfantera, & viẽdra l'age
doré. Car en ce temps tres heureux eſtât la di-
uinité avec l'humanité recõciliée, enfantera la
Vierge le part de pureté & innocence, & ayans
eſté long temps diſcords, ont faiçt la paix au
Giron de la Vierge. La dixieſme Sybille dictẽ
Heleſpotica, prediçt auſſi l' Aduenemẽt de Ie-
ſus Chriſt, diſant. De la haulte demeure des
Cieux regarde Dieu ſes humbles, & en les der-
niers naiſtra en ce mōde vn enfant d' vne Vier-
ge des Hebreux. Oultre ces choſes ſuſdictes,

qui cōcernēt les ppheties, ont esté maintesfois
predites, par excellēs Mathemathiciēs tāt an-
tiques que modernes, grādes calamitez & mi-
seres, par le mouuemēt des corps celestes, cōme
pestes, guerres, famines, & autres desolatiōs &
ce par Eclipses Solaires, & Lunaires, conion-
ctiōs des planettes superieurs, diuerses metheo-
res, & autres impressions naturelles. Nō qu'on
estimera pource, que ces corps celestes par leur
action naturelle affligēt les mortelz de ces mi-
seres & calamitez, mais q̄ seulement signifient
aux hōmes en partie l'office que Dieu le Crea-
teur leur a ordonné, qu'est signifier à nous hō-
mes la benignité & l'ire du Seigneur Dieu, afin
que desistōs de nostre voye peruerse & inique.
Ces choses donq, bien perpendues, vn chascun
peult assez cōsiderer, cōbien ceste sciēce doit
estre honorée, prisée & embracée . principale-
ment ou elle donne occasion, que les hommes
cōsiderans les futures calamitez & miseres, par
les Astres & Metheoriqs impressiōs signifiez,
se conuertissent en humilité de cueur à Dieu le
Createur, demandans avec trefardētes Prieres
pardō au dominateur des cieux de leurs pechez
& iniquitez. Lequel alors refraind sa trespui-
sante main, annichillāt les calamitez & miseres
par les Astres p̄mises. Et à lors est verifiée ce-
ste Sentēce de Ptolomeus. (Vir sapiens domi-

habitus astris,) C'est à dire, L'homme prudent
& sage aura la dominatiō & pouuoir dessus les
Astres. Donc(monseigneur)prenez en gré les
presentes Predictiōs d'An en An, & tenez cher
ce petit don que les Cieux m'ont enseigné, &
monstré, & serez prudent & bien aduisé d'eui-
ter les futures calamitez, dont Dieu vous en
vueille donner la grace.

PREDICTION DE L'AN MIL
cinq cens soixante quatre.

S A T V R N V S.

LE Seigneur de ceste presente Année est Sa-
turne:lequel nous menace sterilité de grain,
mediocrité de vin, & peu de fruiçz, par ce que
ilz ietterōt leurs fleurs deuant le téps. Le prin-
téps sera pluuieux avec inondatiōs d'eaux, qui
s'espandront en beaucoup de diuers lieux du
monde : & principalement en Lombardie, &
pais circūuoisins. Le Roy des fleuues fera l'un
riche, & l'autre pauvre. L'esté sera treschaud,
avec tonnoirres & tréblemēt de terre, nō sans
ruine d'aucun edifice, & peste en France, & An-
gleterre. La peur sera en Italie, mais l'air y sera
salubre, sans mortalité & maladies. Les mar-
chands ne pourrōt bōnemēt negocier & traf-
fiquer

figuer en fai& de marchãdise à cause des grans soupçons. Vn des plus grans hommes du mode mourra, & son filz fera ce q le pere iamaïs eusse fai&. En l'Automne s'allumera aucuns feux, mais seront incontine& estain&. L'hyuer sera froid & de lōgue durēe, avec beaucoup de neige, & glace, vents secs & bien peu de pluye. En diuers lieux sera donnē argēt pour entreprin- ses secrettes, & ne passera ceste presente Année mil cinq cens soixante quatre, sans la mort de cinq ou six des principaux Disciples de sain& Pierre. Le Seigneur Dieu soit en ayde au pe- cheur qui se conuertit & fai& penitence.

PREDICTION DE L'AN MIL
cinq cens soixante cinq.

L V N A.

EN cest An sera gouuernante Luna. Le prin-
tēps sera attrempē, mais l'Estē sera gran-
dement pluuioux, tellement que les Torrens, &
autres riuieres pourrōt desborder avec aucune
submersion d'edifices, & ne sera grãd' chose si
les bledz souffrēt quelque peu, principallemēt
es lieux hauts & esleuez, à cause de la grand'
neige & glace du precedēt hyuer, car les terres
basses les recōpēserōt: & à brief dire, il ne sera
Nostradamus. B

que moisson riche & abondant. Dauantaige regnera (que Dieu par sa clemence ne vueille.) La peste en beaucoup de places d'Italie, Allemagne, France, Espagne, & autres places, dōt assez en mourrōt. L'automne sera aucunement sec, mais L'hyuer sera fort attrépé. La grappe sera abondante, & aussi les huylls, mais entre le bestial, serōt aucunes maladies de sorte que beaucoup en periront. Guerres seront entre Gulari, & Cenalie, Les quatre Aigles, & la Croix blanche: entre nobles Dames & Princesses sera mediocre sedition, La Croix contre Fortiétale couleuvre se trouuera en quelque travail d'importāce. Dieu la vueille secourir, afin quelle n'écoure en plus d'aduersité, qu'elle n'est pour le present, mais la peur qu'en ay est la tardieté du paresseux Saturne d'un homme, par ce que le secours tardera, que Dieu ne vueille, & ne passera la chose q̄ la Croix ne s'en sente: neantmoins à la fin, tout se terminera en faueur de la tressaincte Croix. Les Princes tyrans en serōt plus mal contents q̄ tous les autres, & aussi le pays des hommes de peu d'honesteté, ie dis expressement q̄ les guerres ne leur defauldrōt. Ilz ferōt faict des faictz d'armes, avec telle effusion de sang, q̄ Dieu ne vueille: & bien-heureux serōt ceux qui en ce iour croirōt en Dieu, & à sa mere. Et ce ne sera q̄ profit des soldartz,

& des gens qui se trouuent priuez de liberté.
Les deux ff. d'Italie feront ieux & festes.

PREDICTION DE L'AN MIL
cinq cens soixante six.

MARS.

LE dominateur du cinqiesme Ciel le furieux
Mars sera Seigneur de cest An mil cinq cēs
soixante six, Le printēps & l'Esté serōt humi-
des. L'autōne sec, & l'hyuer sera tresfroid, par
la multitude des neiges & glaces. La moisson ne
sera pas trop bonne, mais les iardins serōt plus
q̄ beaux: & sera grād' abōdāce d'huylles, miel,
& legumes. Il y aura des grādes maladies, dont
les Medccins ne cōgnoistrōt leur qualité. Aux
Dames est menacée mort soudaine par aucuns
accidēts. En mer heureux sera ce marinier à q̄
ne sera pmis de voir l'an mil cinq cens soixāte
sept, Car il y aura fortune grāde, & trestruelle
guerre, & sans faulte nulle, il y sera faict vn
faict d'armes, qui viēdra au dōmoge d'aucuns
avec liberté des petis & seruitude des grās. La
guerre cōmécée en l'an mil cinq cens soixante
quatre ne sera pas estaincie, mais continuée à
feu & sang, brullant, & saccageant, & faisant
choses irraisonnables & illicites, ce q̄ encores

aussi ensuyura au pāys des hommes prudents
& sages, cōme aussi par toute la reste. Et serōt
des faictz d'armes si trescruelles q̄ des dix n'e
eschapperōt les deux, en quatre places du mō-
de, avec la ruyne de deux villes qui seront sac-
cagées, brullées, & rasées. Au Royaume de Na-
ples, en Lōbardie, en Feriol, & en France serōt
choses tāt admirables, qui à les dire seroiēt in-
credibles. Icy beaucoup de femmes enuoyront
leurs pleurs au ciel, pour la mort de leurs maris
& les petits enfans pleureront la mort de leurs
meres. Au royaume Oriētal feront rebellions,
ou tout sera quasi en armes, pour la dure serui-
tude des subiectz, & aussi au pays Partenopeen
sera le peuple forcé de prédre les armes, par les
mauuais portementz des Gouverneurs. Dieu
vueille pourueoir à tant de scandalles, que les
Astres semblent menacer en ceste Année.

PREDICTION DE L'AN MIL cinq cens soixante sept.

MERCVRIVS.

PVis que Mercure aura la domination de ce-
ste Année, les influēces celestes promettent
par aucuns vents qui souffleront d'Orient. Le
printemps vn peu humide & fascheux, mais

L'Esté sera trèschaud : parquoy la moisson, & toute chose necessaire sera abondante, aussi la vignoble bien chargée, car l'Automne sera at-trempé autāt qu'il est possible. L'hyuer à cause des vents Oriētalz, Meridionalz ne sera trop froid, mais doux & modéré. Les maladies se-ront de plusieurs sortes, cōme dissolutiōs, dou-leur des costes, & de teste, compressiōs d'esto-mach, principalemēt aux Dames qui mourront en grād' quantité plus q̄ de coustume. Les vers à soye ne feront pas bien leur besoigne. Guerre ne defauldra point, laquelle dōnera de l'ouura-ge à beaucoup, & telle qu'en long temps n'ont esté faictes choses de telle admiration, comme ceste seront. Deux grands chefz, hommes re-nommez mourront qui ont espandu leur renō-mée non seullemēt en la Chrestienté, mais par tout le monde : mais l'un d'iceux, grand en richesses, & pauvre d'ame mourra sans gloire, & sera enterré en vne estable d'asnes, pour ce qu'il est ennemy de la saincte mere l'Eglise : & icy cessera le grand trauail qu'à enduré si long tēps celle bōne mere, & ses armories se dilate-ront doresnauāt par tout le monde : & le saint pere d'icelle triomphera en liesse de cœur, avec ses disciples. Et ne passera l'An de 68. que la secte à elle tāt ennemie sera de tout extirpée & destruite : & ainsi sera accomplie la pphetie,

qui diſt, (Ex inimicis meiſ vindicabo inimicos meos.) C'eſt à dire, avec mes ennemys, me vengeray de mes ennemys.

PREDICTION DE L'AN MIL cinq cens ſoixante huit.

I V P I T E R.

C'Eſt An aura Iupiter la domination, Parquoy le printemps ſera vêteux & ſec, mais par la benignité de ceſte Planette. L'Eſté ſera bon, & la moiſſon trefabondante. Le lin aura aucunemēt à ſouffrir, & les maladies ſerōt perilleuſes, par aucuns acces en la teſte, & à la gueulle, tellemēt q̄ pluſieurs ſerōt forcez d'abādonner leur eſtat & richelſſes, & aller ou leurs pechez ont meritē. L'automne ſera accompagnē de pluye & vent, neantmoins apres tendra à mediocrité. Les fruitz ſerōt en grād'abondāce, mais le lin, huylle, & miel, ſera aſſez mal creu. L'hyuer n'aura nulle faulte de neige, avec abondāte pluye. Entreprinſes ſe ferōt de grande importance, Neantmoins vers la fin cellera ce tēps diuers. Ce quartier d'an tendra à la fin à mediocrité. Beaucoup de Dames mourront ſoudainemēt, par eſtranges accidēs : entre leſquelles vne ſera de quelque eſtat & auctorité.

Icy sera maintenāt commencé vne sainte en-
treprinse, par laquelle tout le monde sera en
triomphe, & s'apprestant contre la secte com-
mencée l'an 1532, & iusques à ce iour pseuerée,
qui sont 38 ans. Mais ie suis bien asseuré, que
dorefnauant, la M^{ajesté} diuine ne supportera
plus vne telle scādalle, tellementt que deuant que
l'an de 1575 passera, elle sera destruiete, & to-
talement anichilée. Et celles pauures ames re-
duites à la sainte Foy de Iesus Christ. Plaise
au seigneur Dieu qu'ainsi soit, cōme les cōstel-
lations me demonstret. Et l'Italie triomphera
cōme iadis elle a faict du tēps de Iulius Cæsar,
& l'Aigle blāche pdra les æsles, les troys cra-
pauds perdront à tousiours la force, & fera re-
nouuellée la cruauté d'Attila, (Flagellum Dei)
cōtre ceux qui aurōt esté ennemys d'Italie re-
staaurée, & le nid de Vergle muera les statuts.

PREDICTION DE L'AN MIL cinq cens soixante neuf.

S A T V R N V S.

Saturne sera seigneur de ceste année mil cinq
cens soixante neuf, Parquoy le printēps se-
ra vêteux, mais l'Esté sera fort pluuiex, avec
maladies perilleuses à ieunes gens. L'automne

sera assez sec & froid, & l'hyuer véteux & bien long. Le bled & vin sera assez mediocre par la malignité de ce Seigneur de l'An qui ce menace, mais de fruit en sera faute. Les fieures tierces & quartes serôt à foison, & mortalité sera du menu bestiail, principalement des brebis. L'appreste cōmençee en l'An de 68. fera bon proufit, & succedera au contētemēt de tous les plus grands de la Chrestienté. Les marchands seront bien fortunez en leurs trafiques de marchandise, car l'argēt sera bien court, & plus de coustume, & d'un P. naistra vn autre P. leq̃l renouellera le fleau à ceux qui aurôt flagellé, icdis des Satyres & Princes ceuelz. L'insubria & la mere des estudes, aurôt toutes deux, Duz enfans Italiens, & aussi à la fille de Tano sera mise pour certain la bride, & sera gouuernée d'un seul Seigneur.

PREDICTION DE L'AN MIL cinq cens septante.

S O L.

LA grande lumiere du monde, à sçauoir Sol, Laura le gouuernemēt de cest An de mil cinq cens septante, par la benignité duquel, le printemps sera attrempé, & l'Esté chauld, neantmoins

moins conforté des vents, & quelques pluyes,
qui causeront bonne moisson. Les arbres don-
neront bon fruit, & les maladies serōt medio-
cres. Il y aura grāde abondance de bestiaill tant
grand que menu, à cause des pastures, qu'aurōt
plus que de coustume produit d'herbes, pour
leur pasture: mais entre ieunes gēs regnera au-
cune mortalité, à cause des questions & dissen-
sions entre eux esmeues. Entre gens nobles se-
ront quelques seditions d'importance. L'Au-
tomne sera trauaillé des vêts, Parquoy se gar-
dent les Marchands qu'ilz ne soyent engloutis
auec leur cheuāce en la Mer. L'hyuer sera rai-
sonnable & attrépé, & quelque bien se fera, car
l'orgueil des Turcs cōmencera à s'abaisser, &
se rendront obediens deffoubz l'ombre & Ban-
niere de la Croix, & les Princes se tiendrōt en-
sēble en paix & vnion: car ainsi le veult la be-
nignité du seigneur de ceste année. Beaucoup
des gens anciens mourrōt, & sera mise la Cou-
ronne Royale au filz du Medecin esprouuē,
dont toute l'hetrurie pour la plus grand' part
sera contēte. Le cocq perdra la vie, & son estat
& sa creste hereditera le filz de E. Ph. D. S. &
de ce suis ie bien asseuré, dont le mōde, & prin-
cipallemēt l'Italie sera en plus grād' allegresse
qu'elle ne fut oncques: car cestuy sera de la na-
ture du bieuue, qui de son propre sang nourrist

Nostradamus.

C

ses ieunes. Et le Lyon robuste mōstrera les dēts
& mordra ceux qui le voudront prédre par la
queue, & fera trembler tous les aduerſaires,
l'aage doré retournera, & de tout le mōde ſera
chanté ceſte tres-belle Louange : (Benedictus
qui venit in nomine Domini.) Beneiſt ſoit il,
quand ce Iour viendra.

PREDICTION DE L'AN MIL
cinq cens ſeptante & vn.

LVNA.

CE preſent An de mil cinq cens ſeptante &
vn ſera gouuernante Luna. Le printemps,
& l'Eſté ſerōt attrépez, la moisſon ſera medio-
cre, principalemēt des menuz fourmētz en ſera
aſſez bonne quantite. L'automne ſera vn petit
tendant à ſecherelle. Les vins ſeront aſſez abō-
dans, & auſſi les huylls, mais au beſtiail pour-
ra nuyre vne maladie, qui les endommagera
beaucoup. Il y aura des eſpouentes entre les
viuans de la terre: auſſi ſerōt maladies entre les
hommes, & en beaucoup de lieux mortalité des
gens percruz. Les femmes ſeront aucunement
paſſiōnées de maladie incongneue, & entre les
Payens aucun ſciſme : parquoy les Princes ne
ſerōt pas en repos, principalemēt par ce que les

Turcs declineront aucunemēt de leur ia com-
mencée conuersion : neantmoins à la fin se hu-
miliront, & beaucoup d'iceux se feront Chre-
tiens. Les marchands feront assez bon profit à
leur marchandise. La Croix blanche chassera la
F. & le cocq, & receuera la Couronne sans en-
sanglâter espéc. Ce mot d'escriture qu'on châte
la derniere feste de Pasques se verifira. (Quod
vnus pastor cuicunque gregi dominabitur,) à
çauoir, qu'il sera vne seule bergerie, & vn seul
bergier au mōde, & sera de la maison d'Austri-
che filz de M. Emp. & sera appelé Charles, car
Ptolomeus cinquiesme Roy d'Egypte dict, que
le premier Empire de la Couleure Orientale
fut du temps d'Albert d'Austriche : & predict
aussi que ceste dicte secte doibt prendre fin en
le grand Emp. des Túrcs : & ce sera le meilleur
pour le salut humain, Que tous porterons de
bon cueur la Croix pour nostre gloire au Ciel,
& ce sera deuant que passera l'An de mil cinq
ens septante cinq.

PREDICTION DE L'AN MIL
cinq cens septante deux.

M A R S.

L E furieux Mars sera seigneur de cest An de
mil cinq cens septante deux. Le printéps, &

**L'Esté serōt humides. La moisson sera fort sterile de sorte qu'ẽ plusieurs lieux la famine apportera grãd dōmaige. Ce q̃ viẽdra par la malignité ou pour mieus dire, cruauté du Planet-
te seigneur de cest An. L'automne sera sēc, & quelque peu froid:mais l'hyuer ,pduira grãdes pluyes, & neiges, autãt q̃ parauanture oncques ont esté veues, principalemẽt vers les pays Septentrionals. Les marchandises maritimes ne donnerōt pas de gaignage à cause des naufrages:mais celle par terre rendra assez de profit principalemẽt aux marchands meridionals. Et l'Eglise serōt aucuns scismes, & la doubte qu'i'en ay, est que les constellations demonstrent qu'il y aura vn nouveau Pape. Les armes de meschans, comme sont poisons, & venin, serōt mis en œuure plus que iamais. Quatre fortes villes d'Italie seront mises à sac, feu, & sang. Strasbourg, & Geneue, seront saccagées, brûlées, & rasées, s'ils ne laissent leur puerse opinion. Il y aura quatre faic̃ts d'armes, vn au pays des loix modernes, vn au pays de la grãde couleure, vn en la mer Lyō, & vn à la mer Adriãno, au dommage des Couleures Orientales. Dieu vueille remedier à tant de scandales.**

**PREDICTION DE L'AN MIL
cinq cens septante troys.**

IVPITER.

LE bening Iupiter tiendra la domination de cest An. Le printéps sera véteux, avec beile apparéce des biens de la terre. L'esté sera bon, & attrempé. Les bledz seront assez & bons, tellement que ceste abondance refroidira vn peu l'angoisse de l'An passé: le lin aura quelque peu à souffrir, mais il y aura beaucoup des fruietz, principalemēt pōmes, poires, noisettes, & vin: huylle, & miel sera assez peu. L'automne sera assez venteux, & l'Hyuer attrempé. Les Marchands si oncques ilz ont faict profit, le feront ceste Annee. Entre le menu bestiail sera mortalité: les armes auront recours entre les enuieux parétages: & alliances nouvelles se feront, pour lesquelz se ferōt grandes triumphes, & ce entre les plus puissans de la terre.

PREDICTION DE L'AN MIL cinq cens septante quatre.

VENVS.

VEnus sera Dame de cest An mil cinq cens septante quatre. Le printéps par foys sera venteux. L'Esté sera vn peu humide, mais bonne: la moisson sera tresabondante en toute cho-

se, cōme de grain gros & petit, legumes, huyl-
les, vins, & miel. Sēblablemēt les vers à foye
multipliront. L'Automne sera sec, la vendenge
sera copieuse: le mal des yeux regnera, & beau-
coup des petits enfans mourront, l'hyuer sera
fort fascheux & froid. Entre Princes sera quel-
que dissention, & entre grands Seigneurs sera
mortalité. Hommes de grande auctorité pere-
grineront, par le voyage desquelz plusieurs re-
gions s'esleuerōt, mais par tout s'appaisera en
bien. Venus enclinera cest An, les viuans à lies-
se, festes & ioyes, qui causeront quelque trahi-
son par maldifans. Tresgrand tremblemens de
terre se feront, parquoy les terres voyfines des
riuieres sont à garder. Dieu les vueille preser-
uer de tant de maux.

PREDICTION DE L'AN MIL cinq cens septante cinq.

S A T V R N V S.

Saturne sera dominateur de ceste pŕsente An-
née, le printemps sera venteux, avec temps
vn peu fascheux, maling & nebuleux, & mau-
uais pour les biens de la terre. En l'Esté regne-
ront grādes pluyes, avec tonnerres terribles &
trēblemēs de terre. La moisson sera assez sterile,

fièvres tierces & quartes regneront. L'automne sera sec & froid, & L'hiver sera froid & bien long. Par l'intemperance des corps sera mortalité entre gens percruz & anciés, les iardins ne rendront pas des fruitz, ne la vignoble des raisins, parquoy il ensuyura la cherté du vin. Mortalité sera entre le menu bestiaill, principalement des brebis & porceaux. Sur mer aduendront tresgrandes fortunes. Parquoy les Marchands maritimes ne feront pas bien leur profit. Dissentions seront entre Princes, & tresgrâdes nouvelles s'entendront qui espouuenteront les viuians. Vn des plus grâds mourra, par la mort duquel sera le mode tout en armes, car chascun voudra defendre le sien. Dieu les garde tous de mal encontre.

PREDICTION DE L'AN MIL cinq cens septante six.

S O L.

A grande chandelle, à sçauoir Sol, sera Seigneur de cest An bissextil, lequel sera fertile, avec guerre, & choses grandes seront entendues des Roys & Princes : l'hiver sera humide, & le Seigneur de l'An menace que l'hiver ne sera pas trop bon, le printéps sera attrapé : l'Esté

chaud. L'Automne venteux. Les bledz seront bons. Grande sera l'abondance du bestiail, tant grand que menu. Mortalité doit estre entre ieunes gens, Questions & debatz : & aussi travaux infinies entre Cheualliers, & Escolliers. Les arbres produiront beaucoup des fructz, & les Iardins dōnerōt leurs herbes, Beaucoup de diuerfes nouueautez se diront des plus haults Princes, aussi serōt entre eux grands differēts, mais à la fin se reduiront en paix & vnion.

PREDICTION DE L'AN MIL
cinq cens septante sept.

M A R S.

MArs sera seigneur de ceste Année, qui sera sterile, vn Prince ou Roy mourra. L'hyuer sera humide & tresfroid, avec pluye, brouillatz, & beaucoup de neiges. Le printēps, & l'Esté humides. L'automne sec. En Mer aduiecdront fortunes grandes & naufrages. De soye sera grande faulte. Entre menu bestiail comme brebis, pourceaux, & semblables sera grande mortalité, & grand danger sera es peaulx. Par fe sera faict grād' perte & dōmage. Les Iardins & vergiers rendrōt beaucoup de fruct, aussi sera fort abōdāce d'huylles, miel, & legumes. Mortali

talité & maladies regneront entre les femmes,
aussi régnera vn peu la peste. Princes, & Sei-
gneurs mourront. Les veufues serōt facheuses,
& plus mauuaises que bonnes. Les tyrans serōt
en question. Ceux qui naistront ceste Année,
seront furieux, & belliqueux, & feront amys
d'hommes cruelz.

PREDICTION DE L'AN MIL
cinq cens septante huiet.

MERCVRIVS.

Mercure aura la seigneurie de ceste Année:
La fertilité sera mediocre: & discorde se-
ra entre Princes. L'air sera corrópu, & l'hyuer
sera pluuiieux, rude, & aspre. Le printēps fas-
cheux & humide. L'automne attrempé, & mor-
talité sera entre les Seigneurs. L'Esté sera par
raison chauld, & les bledz seront à bas pris. La
vendange sera bonne, & grande sera l'abōdan-
ce d'huyllles. Femmes enceintes abortiront, &
hommes assez mourront, beaucoup de maladies
regneront comme paralisie, douleurs de costes,
de teste, & compression d'estomach. Il y aura
peu de pommes. Les femmes auront leur deūit
& plaifirs, mortalité & famine ne defauldront.
Mais en plusieurs lieux sera faulte des bledz,

Nostradamus.

D

principalement au pays de ceux qui sont long
vestus. Diuerſes nouueaultez auſſi ſe diront, &
ſera vne ſeulle bergerie & vn ſeul bergier &
tous ayderons de bon cœur à Ieſus Chriſt por-
ter la Croix.

PREDICTION DE L'AN MIL cinq cens ſeptante neuf.

I V P I T E R.

IVpiter ſera gouuerneur de c'eſt An, lequel ſe-
ra tref-fertil par tout le monde, tant à la pla-
nure qu'à la montaigne. Il y aura mortalité de
mouches à miel, & des vers à foye, auſſi des va-
ches & femmes, les ſoldartz ſeront failliz de
cœur. Vne ville ſ'abyſmera pour le peché So-
domitique, à laquelle les places voyſines pour-
ront dire, comme Virgile dict de ſa patrie:
(*Mantuaæ vae miſerae minimum vicina Cremonæ.*) L'hyuer ſera attrempé, le printemps ſera
venteux, L'Automne donnera des vétz, & L'E-
ſté ſera bon. Le bled ſera à bas pris, mais le lin
ſera fort cher, Le fruit ſera trefabondant, prin-
cipalement les pommes, noiſettes, vin, huylle,
mais du miel en ſera bien peu. En beaucoup des
lieux ſera faiet paix, & mortalité regnera entre
les pourceaux, Les pluyes ne ſeront pas rares,
& les fleuves abonderont d'eau.

PREDICTION DE L'AN MIL
cinq cens quatre vingtz.

V E N U S.

DE cest An de Bissexté sera Dame la belle venus, & nous promet fertilité de grain, vin, & de toute sorte de legumes. L'hyuer sera facheux & froid, le printemps sera par foys véteux. L'Esté vn peu humide, mais bon, & l'Autōne sera sec, sans pluye. Il y aura abondance de Bled & sera a bon marché. Les vins seront bons & beaucoup. Le mal des yeux regnera, & beaucoup de petis enfans mourront, Peult aussi estre que les Princes seront en grand dissention, en diuerses parties du monde. Grāde mortalité sera des Seigneurs & gens d'estime, ferōt voyages en diuers lieux du monde. Quand à l'hyuer & miel, il en sera beaucoup, Mais grande mortalité sera entre les brebis, En aucuns lieux seront mouuemens de terre.

PREDICTION DE L'AN MIL
cinq cens quatre vingtz-vn.

S O L.

LA grande lumiere du monde, à sçauoir Sol, Laura la domination en ceste Année, & pro-

met aux mortelz. La moisson mediocre à sçauoir
bonne à la planure, & mauuaise es montaignes
terres collines & terres pierreuses. Grands hom-
mes mourront, mais promet entre l'Eglise &
l'Empire encores paix, avec la Creation d'un
nouueau Empereur, & autres choses. L'hyuer
sera attrapé & bon. L'Esté chaud. L'Automne
veteux, & le printemps attrapé & bon. Grande
sera l'abondance de Fourment & legumes. La
véedenge sera bone, les iardins & vergiers ren-
dront beaucoup de fruit, & les brebis multi-
plieront grandement. Grande controuerse sera
entre les gens d'armes, & beaucoup de nouueau-
tez se diront des Princes & des Roys. Plusieurs
usuriers de leurs propres mains se tueront. Et dis-
sension sera entre Escolliers: petite fidelité sera
entre les soldartz, & beaucoup de larrons seront
pendus, & Sodomites bruslez, & tresgrande Iu-
stice sera faicte en Espagne, & Italie.

PREDICTION DE L'AN MIL
cinq cens quatre vingtz & deux.

LVNA.

LVna sera gouuernante de cest An, qui nous
promet grande fertilité d'huylle & vin, mais
peu de grain, & beaucoup de maladies, grosses

pluyes & chaleurs extrêmes, avec mortalité du bestiail. L'hyuer sera tresfroid, avec gelées, & frimatz. Le printéps sera attrépé. L'Esté venteux, & par toute l'Année beaucoup de pluyes, & abondance d'eau, & telle q̄ les hommes s'en espouuenteront. L'Automne sera attrempé. Il y aura assez de fourmēt, mais peu de legumes. La vëdence ne fera pas bōne : les brebis mourrōt, & beaucoup de perilz serōt sur mer. Serōt aussi mutations des Princes, & grandes maladies seront pour la maieur partie de l'An par tout le mōde. Grande sera l'abōdance du bestiail tant menu q̄ grand, Entre ieunes gens regnera mortalité & debat & questiōs entre les gens ensemble mariez. Aussi seront infinis trauaulx entre Cheualiers de la Religion. Et les Arbres produiront largement leurs fruiçtz.

PREDICTION DE L'AN MIL cinq cens quatre vingtz & troys.

MARS.

LE furieux Mars, sera Seigneur de c'est An, qui sera fertile, avec guerre vniuerselle, & discordes sans nombre. Signifie aussi la mort d'un Prince. La mer sera mal assée. L'hyuer aura moult de pluyes, froidures, & brouillatz.

**Le printēps sera humide. L'esté sec, & l'Autōne
en partie pluuieux. De fourment il en sera peu
mais les iardins & aultres biēs de la terre abō-
deront, Aussi l'huylle & legumes. La vendenge
sera mauuaife: & mortalité des gens sera en au-
cuns lieux, beaucoup des choses serōt brulées:
& en mer beaucoup de peril. Les places soub-
mises au signe du Lyon sentirōt troubles, & du
petit bestiail, cōme brebis pourceaux & sem-
blables, sera grande la mortalité, grand peril
sera es peaux, & par feu sera receu grand dom-
mage & perte. Les iardins & vergiers rédront
beaucoup de fruiēt, & aussi sera huylle, miel, &
legumes en abondance. Maladies & mortalité
seront entre les femmes: & la peste regnera
quelque peu. Princes & Seigneurs mourrōt.**

**Les veufues seront facheuses, & plus
mauuaifes que bonnes, & les
tyrans seront en dis-
sention.**

FIN.

**NOSTRADAMVS
le Jeune.**

1569.



